



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab anno Christi 1652. usque ad annum 1662

**Fleury, Claude**

**August. Vind. [u.a.], 1779**

**VD18 90119185**

§. 103. Initia severissimæ disciplinæ in Abbatiam de la Trappe invecctæ.

---

[urn:nbn:de:hbz:466:1-67372](https://nbn-resolving.org/urn:nbn:de:hbz:466:1-67372)

qui in monasterio, ubi degunt, si ni- Sæc. XVII.  
 mis importune a suis consanguineis visi- A. C. 1662.  
 tarentur, ad alia monasteria transferan-  
 tur. IX. Observentur decreta summo-

rum Pontificum circa Sacramentorum  
 administrationem, hancque in rem Sy-  
 nodus ad verbum inferuit Innocentii X.  
 Constitutionem circa dubia a Joanne  
 de Palafox Angelopolitano Episcopo  
 contra Iesuitas proposita, ac decisa.  
 X. Dilectia inter Parochos & Regula-  
 res circa Missæ auditionem in diebus  
 Dominicis, & confessionis in Paschate  
 tollatur.

Eodem quoque anno Bernardus a  
 Gallen Monasteriensis Episcopus Syno-  
 dum celebravit, in qua sanctiones prio-  
 rum Synodorum innovans statuit, ut  
 supplicationes longiores contrahantur,  
 nec propterea sacri auditio negligatur.

§. CIII.

*Initia severissimæ disciplinæ in Abba-  
 tiam de la Trappe invecitæ.*

Ad hunc annum revocantur primor-  
 dia severissimæ disciplinæ, quam  
 Armandus Joannes Buthillierus in Ab-  
 batiam de la Trappe introduxerat. Hæc  
 jam anno Christi millesimo centesimo  
 quadragesimo die decima septima Se-  
 ptembris in valle quadam, cui nomen

*Descript.*  
*de l'Abb. de*  
*la Trappe*  
*Hode vie*  
*de Louis*  
*XIV. tom. 2.*  
*Heliot Hist.*  
*des Ord.*  
*Mon. t. 6.*  
*la pag. 1.*

Yy A

la pag. 1.

Sæc. XVII. *la Trappe*, tribus leucis a Muritania  
A. C. 1662. urbe distita a Roberto Comite de Per-  
 tico fundata fuit, ejusque Ecclesia  
 paulopost in honorem B. V. a Roberto  
 Rothomagensi Archiepiscopo consecrata  
 est. Viguit in ea per ducentos omni-  
 no annos severissima Cisterciensis Or-  
 dinis disciplina, quæ tamen partim  
 ætatis vitio, partim bellorum injuria  
 & Anglorum irruptionibus perculsa ja-  
 cuit, ac demum omnino eliminata  
 fuit, postquam Bellaius Cardinalis  
 hanc Abbatiam in commendam rece-  
 perat; tum enim Religiosi ad inopiam  
 suorumque paucitatem redacti mona-  
 sterium ruinæ proximum reliquere, &  
 hinc inde dispersi nonnisi ad venan-  
 dum vel alia oblectamenta convenere.  
 Hic erat celeberrimæ hujus Abbatix  
 Status, dum hoc anno Deus ter opti-  
 mus Armandum Joannem Buthillierum  
 de Rance ad stupendum reformationis  
 opus suscitaverat. Hic opitulante ge-  
 neris sui nobilitate, & favente fortuna  
 vix undecim annos natus, non modo  
 pinquia defuncti Fratris sui beneficia,  
 Parisiensis Ecclesiæ Canonicatum, sed &  
 quinque Abbantias, atque inter eas il-  
 lam *de la Trappe* obtinuit, quarum ta-  
 men proventus ad luxum, pompam,  
 & venationem potissimum impenderat,  
 juvenis a mundo dilectus, vanusque  
 mundi

mundi amator: Ast quem Divinum Sæc. XVII.  
 Numen vocaverat, illum etiam sensim A. C. 1662.  
 suaviter ac fortiter ad se traxerat: primo enim præsentaneum mortis periculum ægre eluctatus, miram Dei protectionem commendare didicit, iterum tamen adversus gratiæ stimulum recalcitrare cæpit: amplissimæ enim dignitates, profundissimæ eruditionis, qua inclaruit, fama, & communes, quos sibi in Cleri Gallicani comparaverat, applausus magis ejus ambitionem, ac mundanæ gloriæ cupiditatem acuebant; brevi tamen, ita disponente Deo, ad ipsam felicitatis terrenæ satietatem successit nausea, & quotidianus fastidiorum concursus; Armandus enim a Rege minus se æstimari ratus, & præcipue Gastonis inter festiva tripudia sublatis morte territus, secum serio fluxas mundi illecebras, ac periculum salutis & interitus bivium turbidis ac rorantibus oculis contemplabatur, ac tandem relictis suis beneficiis, & opulentæ domus suæ fortunis, amplissimisque spebus generose contemptis, vocantem Dominum sequi statuit, atque ad Abbatiam la Trappe confugit, ubi primas eo curas intendit, ut non modo salutis suæ prospiceret, sed hujus Abbatix Monachos a vitæ licentia ad veterem Sanctimoniam revocaret: cum autem

Y y 5                      prava-

Sæc. XVII. pravarum consuetudinum stirpes ex  
 A. C. 1662. scindere haud posset, his excedere ius-  
 sis, ac strictioris observantiæ Monachis  
 aliunde accersitis veterem disciplinam  
 hoc anno excitavit, ipseque sacrum  
 Ordinis habitum induit, ac postmodum  
 in Abbatem Regularem nominatus ad  
 primævam S. Bernardi normam sacros  
 Religiosos proprio potissimum exem-  
 plo reduxit, eliminato vini, piscium  
 carniarum, ovorum &c. usu, ac stabili-  
 perpetuo silentio, solitudine, caritate  
 vitæ austeritate, ut ejus exemplum vix  
 inter veteres Eremiticolas reperiretur.  
 Ceterum, quamvis eximius hic  
 Abbas probatæ suæ virtutis, Religio-  
 nis, pœnitentiæ, ac omnium ferme  
 virtutum famam per universam pene  
 Orbem diffudisset, ac plurimos primæ  
 Nobilitatis Viros, quos mundus delu-  
 ferat, suo exemplo ad parem vitæ san-  
 ctimoniam pertraxisset, non deerant  
 tamen maledici quidam, qui dignum  
 hunc Divi Bernardi Successorem velot  
 Jansenii Discipulum traducerent, non  
 alio suæ calumniæ fundamento, nisi  
 quod in laxiores ævi sui Casistas, &  
 Molinistas sæpius invehens, ex propria  
 confessione eorum, qui ex profligata  
 vitæ colluvie ad sacram hanc solitudi-  
 nem sese receperant, omnem morum  
 corruptionem ex laxis illorum doctri-  
 nis

nis profluxisse asseruisset: Eapropter Sæc. XVII. A. C. 1662.  
 apud ipsos audiebat Idiota, qui nunquam Casistas legisse visus est, & ne quidem Molinistarum doctrinam habuisse cognitam ab iis, qui propius eum inspexerant, creditus est: Hæc autem recentior quidam Historicus iis persuadebit, quibus incognitum est, Butilierium non modo Græci idiomatis apprime gnarum, & Philosophicis disciplinis excultissimum fuisse, sed etiam annos natum nonnisi viginti & unum jamjam Scientiæ Theologicæ profunditatem publico specimine, ac promerita Doctoratus laurea comprobata reddidisse.

## §. CIV.

*Principum atque Illustrium obitus.*

Gemino funere Augustissima Domus Salmon hist. chron. lt. 1. Priorat. hist. Leop. p. 2. l. 2. p. 186. Vid. supra §. 41. p. 536.  
 Austriaca hoc anno afflictâ lugebat; decessit enim inexpectato fato die vigesima Novembris Archidux Leopoldus Guilielmus Ferdinandi II. Filius ac Tertii frater: Hic raro fœdere Principis celsitudinem cum Episcopi humilitate, ac militis magnanimitatem cum Politici Christiani sagacitate conjunxerat, moribus affabilis, animo generosus, in omnes beneficus, in pauperes prodigus. Adolescens adhuc sese militiæ sacræ mancipabat, ab Urbano VIII. Papa